

Nuortasámiid ristvánhemat

Árbevirolaččat mánnái lea addán guokte ristvánhemma; nissonolbmo ja almmáiolbmo. Soai eaba leat dahje lean náittosbárra. Nieidda gohčodit ristnieidan ja bártni ristbárdnin. Ristmáná ristvánhemii leat nuortalašgielas namahus *kue'm / kue'mež*. *Kue'mež* eaba leat ožzon náitalit gaskaneaskka ja nuortalaččat leatge láven dadjat, ahte “*čōrm̥m ljj te'l siâng vue'nn!*” *nappo baháskas lea dalle seangga vuolde jus náitaleaba!*

Ristmánnái risteatni dahje ristáhči mánná lea ristviellja dahje ristoabbá. Jus mánain lea oktasaš risteadni, de dán risteatni buot ristmánát leat gaskaneaset ristoappát ja ristvieljat. Sin gohcodedeje *risttruāttan* nappo ristfuolkin.

Áhči ja eatni ristmánát leat ristoappát ja ristvieljat gaskaneaset. Ristáhčci dahje risteatni vánhemat leat ristmánnái ristáddjá ja ristáhkku. Dalle go ristmánnái šaddá iežas mánná, de su ristáhčci ja risteadni oažžuba namahusa ristáhkku ja ristáhčci.

Dalle go nieida náitalii, de sus lei náitimis *vie'nccejä'nn ja vie'ncce'čč* nappo “náittoseadni ja náittosáhčči”. Soai eaba lean vealtameahttumit moarssi ristvánhemat, muhto oalle dávjá nu lei. Dakkár vearru lea leamaš, ahte heajain ovdal náitima náittoseadni váldá moarssi oaivvis eret *pee'rveesč* nappo nieiddagáhpira. Dasto son rahpá nieidda vuoktabárggáldaga ja bárdiga sutne guokte bárggáldaga ja geassá daid oaivvi birra vai *šaamšíč* nappo eamitgahpir bissu oaivvis. Náittoseadni čatná moarsi *šaamšíč* oaivái ja liidni maid gulai eamitgahpira ala.

Go ristvánhen jámii, de ristbárdni lávii guoddit ruossa hávddi ala.

Dieđuid gáldun lea Pirjo Lotvonen, nuortasámás dieđuid čohkkii Raija Lehtola ja Maiju Saijets jorgalii daid davvisámegillii.

nuortalašgillii	davvisámegillii	suomagillii
ristpuärráz	ristvánhemat	kummit
ristnijdd	ristnieida	kummityttö
risttâ'lğg	ristbárdni	kummipoika
risttpuä'res	ristvánhen	kummivanhempi
risttjeä'nn	risteadni	kummitäti
ristpäärnaž, risttpä'rnn	ristmánná	kummilapsi

Nuortasámiid ristvánhemat

pee'rvesk	nieiddagahpir	tytön päähinen
vie'nccjeä'nn	náittoseadni	vihkiäiti
vie'ncce'čč	náittosáhčči	vihki-isä
vie'nccpaarr	náittosbárra	aviopari
risttví'ljj	ristviellja	kummiveli, kummin poika
risttvuä'bb	ristoabbá	kummisisko, kummin tytär
risttä'jj	ristáhčči	kummin isä
risttäkk	risteadni	kummin äiti
kue'm, kue'mež	máná ristvánhemat gaskaneaskka	lapsen kummit keskenään, kummikset
risttruåđ	máná ristsohka	kummisukulaiset
šaamšík	eamitgahpir	vaimon päähine